

En memoria da
Adelina Sager-Valier Bever / Camischolas
 1950 - 2023



Adelina Sager-Valier ei naschida ils 11 d'avrel 1950 a Camischolas sco tiazra feglia d'Ursulina e Franzestg Valier-Schmid. Il frar Augustin, schummellin da Christian ei suenter biabein dus onns morts a Tavau causa tuberculosa. Suenter l'Adelina ein aunc las soras Tina e Jovita naschidas. El ravugl da sia famiglia, amitgas ed amitgs ha Adelina passentau a Camischolas ina bial'affonza.

Gest cumplenu il 18avel onn e ventschiu ina scolaziun el Konstantineum a Cuera ha la mumma Ursulina giu in grev accident ed ha stuiu prender per 13 meins dimora el spital paraplegic a Basilea. Per gidar il bab e mirar dalla sora Tina da 13 onns e la

sora pintga Jovita da 5 onns ei Adelina returnada a Camischolas. Igl accident dalla mumma ei stau per l'entira famiglia in grond schoc ed ina gronda sfida. Muort tut ha quei destin uniu aunc pli fetg la famiglia.

Igl εμπrem da december 1973 ei Adelina maridada a Camischolas ella caplutta s. Onna. Cun siu mariu Toni ein els secasai igl εμπrem a Gossau el cantun s. Gagl. Silsuenter ein els tratgs ell'Engiadina e baghegiu casa a Bever. Leu ein ses dus affons Reto e Michèle carschi si. Adelina ei stada engaschada entochen la pensiun tier la Lattaria a Bever. Plirs onns ha siu um Toni menau ina camona dil Club Alpini Svizzer. Sper ils affons, la lavur a casa e l'occupaziun tier la Lattaria ha ella buca saviu desister da mintgama preparar e puppergnar ils hospes ella camona cun differentas sorts da tuortas e pettas duront las sondas e dumengias. Schegie che quei era in grond buordi, ha ella adina gudiu la cumpignia ella camona.

El simpatic ed impressiunont plaid da cumiau ha la sora Jovita denter auter giudicau sia sora Adelina sco ina «Powerfrau». Gie l'Adelina luvra per duas personas e quei senza

lamentaschuns. Mia cusrina e conscolara saiel jeu mai seregurdar ch'ella havess giu ina gada schliata luna. Ella era ina dunna nuncumplicada, sociala ed adina cun ina demananza positiva. Sch'enzatgi s'annunziava tier ella a Bever, era mintgina/mintgin beinvegnida/beinvegnius ed astgava guder sia hospitaliad.

Sia luschezia eran ses 4 biadis; Metteo, Nina, Gioia e Malea. Ella selegrava cu els vegnevan si dalla bassa per far ina viseta ni vegnir en vacanzas - ed adina era tut semtgau. Igl unviern gudevan els las pistas e la stad vegneva ei pachetau ils sacados e contemplau las bialas cuntradas engiadinasas.

Cun 65 onns ei Adelina ida en pensiun ed ha gudiu siu temps liber cun prestar lavur voluntaria, cun far ses sports preferi e naturalmein cun guder sia famiglia. Aunc paucas jamnas avon sia mort ha ella luvrau in tochen dus dis ell'jamna en in tancadi a La Punt. Liunguriala enconuscheva ella buc.



Adelina cun siu fegl Reto



Ir cun skis e guder las pistas dall'Engiadina era in hobi preferiu dall'Adelina (secunda da dretg).

E lu igl onn 2019 retscheiva l'Adelina tut sorprendentamein la diagnosa maligna «cancer». L'Adelina ha entschiet la terapia cun gronda confidenza, la quala ella ha surpurtau detg bein.

Denter ils tractaments, che stuevan tenor in cert turnus vegnir repeti, empruava ella tenor las circumstanzas da guder la natira, ils affons cun lur partenari e partenaria, cun las duas biadias ed ils dus biadis e cun star da cumpignia cun sias amitgas e ses amitgs. Era siu mises preferiu e carezau a Liez era per ella in vegnir a casa en Tujetsch. Cun encurir la primavera sper siu albiert in per flurs striaunas ed igl atun izuns saveva ella serevegnir empau da sias curas.

Denton tec a tec han sias forzas e sia energia schau sunter. Cun agid da sias bunas amitgas – Annina e Milena – eis ei reussiu al mariu Toni da transportar l'Adelina da temps a temps el spital ed era da tgirar ella a casa.

Entochen paucs dis avon ch'ella ha astgau sedurmentar en a casa, ha ella giu tarmess a mi per WhatsApp in maletg ch'ella haveva gest fatg naven da siu letg el spital a Samedan cun la remarca:



«silmeins ina biala survesta».

Siu giavisch da saver prender cumiau a casa ei ius en vigor. Co ella ei sere-messa en siu destin duront 4 onns ei admirabel. Gie Adelina ei senz'auter stada in bien exempel cun siu agir singular sin ina tala sort!

Ina baselgia fullanada a Samedan cun parents, amitgas/amitgs ed en enconuschents han accumpignau ella a siu davos viadi. In' enzenza che l'Adelina era ina persuna apprezzada.

Tier il past da bara han ils amitgs schau reviver sia veta e fatg in viva sin ella demai ch'ella havess il di dalla sepultura astgau festivar siu 73avel natalezi – segiramein havess l'Adelina giavischau quei agir.

Uss astga ella ruassar senza anguoschas e dolurs.

Cara Adelina stai bein e ruaussa en pasch.

Tumaisch Valier